



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XII. Confirmatio literarum Generalis Ordinis Prædicatorum pro Religiosis
Provinciae Hiberniæ, & aliarum ejusdem Ordinis sublevandis, novisque
nationalibus Collegiis, & Domibus in Hispania, & alibi ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

que Ludovicum specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine, quavis occasione, vel causa latis, si quibus quomodolibet innodatus existit, ad effectum presentium dumtaxat consequentiarum serie absolventes, & absolutum fore censentes, Supplicationibus illius nomine Nobis super hoc humiliter porrectis inclinati omnia, & singula privilegia, concessionem, facultates, indulta, indulgentias, ceterasque gratias spirituales, & temporales eisdem locis, & illa visitantibus, necnon dicti Ordinis Guardiano, & Fratribus in dictis partibus degen. per quoscumque Romanos Pontifices Prædecessores nostros, ac Sedem Apostolicam in genere, vel in specie, aut alias quomodolibet concessa, quatenus sint in usus & non sint revocata, aut sub aliquibus revocationibus comprehensa existant, sacrisque Canonibus, Constitutionibus Apostolicis, ac Concilii Tridentini decretis non adversentur Apostolica auctoritate tenore presentium confirmamus, & approbamus, ac perpetuè inviolabilis Apostolicæ firmitatis robore communimus, ac omnes, & singulos, tam juris, quam facti defectus si qui defuper in eis quomodolibet intervenerint supplemus.

§. 3. Necnon insuper omnibus, & singulis eorumdem Fratrum interpretibus nunc Hierosolymis, Bethleem, & Nazareth existentibus, & viventibus in cujuslibet eorum mortis articulo si verè poenitent. & confessi, ac sacra Communione refecti, vel quatenus id facere nequiverint saltem contriti, nomen JESU ore, si potuerint, sin minus corde devotè invocaverint plenariam omnium peccatorum suorum indulgentiam, & remissionem misericorditer in Domino concedimus, & elargimur.

§. 4. Non obstantibus Constitutionibus, & Ordinationibus Apostolicis, ceterisque contrariis quibuscumque.

Dat. Romæ apud S. Mariam Majorem sub Anulo Piscatoris, die 30. Septem. 1667. Pontificatus nostri Anno primo.

X I.

Quod Officium Sancti Ignatii Societatis JESU Fundatoris sub ritu duplici in posterum recitetur ab omnibus, qui ad Horas Canonicas tenentur.

C L E M E N S P A P A I X .

Ad perpetuam rei memoriam.

C Redite Nobis divinitus dispensationis ratio postulat, ut Sanctorum in Coelis regnantium, quorum egregia constant in Ecclesiam Catholicam merita, cultum, & venerationem in terris condignis honorum incrementis ampliare studeamus.

§. 1. Itaque cultum, & venerationem S. Ignatii Societatis JESU Fundatoris de Universali Ecclesia adeò benemeriti, ubique terrarum augere volentes, auctoritate Apostolica tenore presentium mandamus, ut ejus festum, quod sub ritu semiduplici ad hunc usque diem celebratum est, perpetuis futuris temporibus sub ritu duplici celebretur, Præcipientes propterea ut omnes tam sæculares, quam Regulares utriusque sexus, qui ad horas Canonicas tenentur, eas in posterum de memorato S. Ignatio sub prædicto ritu duplici recitent. Ac ipsius S. Ignatii festum sic sub ritu duplici celebrandum in Romano Breviario apponi debere decernimus.

§. 2. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 3. Volumus autem, ut earundem presentium literarum transumptis, seu exemplis etiam impressis manu alicujus Notarii publici, vel Secretarii d.

Societatis subscriptis, & sigillo Præpositi Generalis ejusdem Societatis, vel alterius personæ in Ecclesiastica dignitate constitutæ munitis eadem profusus fides adhibeatur, quæ presentibus ipsis adhiberetur si forent exhibitæ, vel ostensæ.

Dat. Romæ apud S. Mariam Majorem sub Anulo Piscatoris, die 11. Octobris 1667. Pontificatus Nostri Anno primo.

Confirmatio literarum Generalis Ordinis Prædicatorum pro Religiosis Provinciæ Hiberniæ, & aliarum ejusdem Ordinis sublevandis, novisque nationalibus Collegiis, & Domibus in Hispania, & alibi erigendis.

C L E M E N S P A P A I X .

Ad futuram rei memoriam.

Nuper emanarunt à Nobis ad favorem dilectorum filiorum Fratrum Provinciæ Hiberniæ Ordinis prædicatorum literæ in simili forma Brevis tenoris, qui sequitur videlicet.

§. 1. Clemens Papa IX. Ad futuram rei memoriam Creditæ Nobis cælitus dispensationis ratio exigit, ut paternam virorum religiosorum, eorum præsertim, qui Evangelicæ prædicationi addicti labores, & pericula pro fide Catholica alacriter subeunt curam gerentes illa, quæ pro eis sublevandis, piisque, & laudabilibus eorum studiis fovendis, & promovendis ab eorum Superioribus Regularibus, piè, prudenterque facta, & constituta esse noscuntur, ut firma, atque ilibata persistant Apostolici muniminis patrocinio libenter roboremus.

Exponi siquidem Nobis nuper fecit dilectus filius Magister Generalis Ordinis Prædicatorum quod ipse pro manutatione instituti Evangelicæ prædicationis, cui dictus Ordo enixè incumbit, ac pro sublevandis Religiosis Provinciæ Hiberniæ & aliarum ejusdem Ordinis, qui laboribus, carceribus, minis, & opprobriis pro Catholica Fide vexantur literas patentes expedivit tenoris, qui sequitur, videlicet. Frater Joannes Baptista de Marinis Sacræ Theologiæ Professor Ordinis Prædicatorum humilis Magister Generalis, & Servus in Dei filio sibi dilecto R.P. Fr. Joanni Cnojur à Sancto Dominico ejusdem Ordinis, & Provinciæ nostræ Hiberniæ Procuratori Generali salutem.

Hibernia re, & nomine quondam floridissima SS. insula. Sed postremo hoc nostro sæculo avitæ Religionis tristi passim exilio miserrimè deformata tanto feliciorum meretur omnium Christi fidelium ubique commiserationem, quanto periculosius hodie sub novo quodam persecutionis genere ibidem orthodoxa fides laceratur, neque hic nobis eundem per singula, dum in paradigma sufficiunt nostrorum illic fratrum, quas exposuisti calamitates, & elades, nimirum ipso eorum Provinciali ob fidem recluso in sequestrum, aliisque alibi in vincula conjectis missionariis dispersis, communitatibus dissipatis, &c. quibus nisi aliundè per novorum identidem operariorum quotidiana supplementa provide succurratur brevi de Provincia actum erit.

Porrò, ut prudenter suggestisti iis succurri non poterit, nisi extra insulam in aliis Catholicorum Principum Regnis ac ditionibus multiplicantur nationalia Religiosorum istorum domicilia, & literarum Collegia, in quibus tum exules nostri missionarii ob fidem scripti asyllum invenient tum vernacula Hibernorum juvenus studiis controversiarum, & sacrarum linguarum jugiter ad Apostolicam missionem erudiatur. Hoc igitur extremum istius desolationis remedium, ut suo tandem potatur usu, & effectu, in quem una tecum undique plurium magnatum vota instantiæ promissa, munificè, pietissimeque conspirant, ampliusque in aliis pariter Regionibus conspiratura putantur.

Dat. P. An. 1.
die 11. Octob

X I I .

Edita An. D.
1667.Causa In-
dulti.Indulgentia
in mortis
artic. con-
cedit.Contrariis
derogat.Dat. Rom. 1.
die 30. Sept.Edita An. D.
1667.

Exordium.

Concedit
prout in rub.Contrariis
derogat.Transump-
torum fides.

Nos harum serie, ac suprema officii nostri auctoritate in primis tibi supra nominato tuisque in Officio Successoribus protestatem facimus acceptandi, erigendi, ac formandi apud Matritum Hispaniæ, unicum tuæ nativæ Provinciæ Collegium, quale confidis illic ex priorum eleemosynis, ac liberali fundatione te obtenturum ad effectum præcipuè ibidem sub regulari disciplina educandi Missionarios Hibernicæ nationis indiscriminatim, ita tamen ut etiam Angli, & Scoti in eodem Collegio recipiantur, sustententur, & instruantur cum potestate etiam ibidem recipiendi ad habitum, & professionem juvenes supradictarum trium nationum, illosque educandi in proprio novitiatu sub exacta observantia regulari. Simili ratione, sine ac modo in aliis quibuscumque locis tum Hispaniarum, tum cæterorum per Europam Catholicorum Regnorum, Statuum, ac ditionum ubicumque Patronos, fautores, ac fundatores potueris reperire, ad tantæ pietatis opus inducere, tibi, tuisque Successoribus in officio amodò liceat hujuscemodi Collegia procurare, suscipere eorundem Regnorum nationalibus consignare ad effectum, ut supra, & cum iisdem facultatibus.

Volumus autem, ac declaramus, quod omnia, & singula ejusmodi Collegia ubicumque Dei ope fidelium munificentia, tuaque, & Successorum industria excitabuntur ipso facto sint, & permaneant vera membra solius nostræ Provinciæ Hiberniæ, ita quod nulli alteri Ordini Superiori subsint præterquam suo Provinciali Hiberniæ, & Magistro Ordinis pro tempore; interim donec fratres nostri proprias seorsim fundaciones, ac domicilia, ut supra possideant, ne stante hac eorum notoria paupertate adigantur ad solvendas in Provinciæ conventibus, aut hospitibus taxatas contributiones, quas utique extorres, & egeni solvere nequeunt instar cæterorum, qui pacatas Provincias habent mandamus, quod præsides istorum Conventuum, & Hospitiorum in hujusmodi alienis Provinciis nihil à Fratibus nostris Anglis, Hibernis, Scotis apud se hospitaturis exigant, ultra quotidianæ Missæ celebrationem tantum; ubicumque verò iidem Fratres in Hospitiis, aut Conventibus sub ea conditione non recipiuntur, licebit ipsis hospitari apud quoscumque alios benevolos Receptores Ecclesiasticos sive si sint regulares, sive sæculares, ne ob temporales respectus ullibi sanctum illud procurandarum fundationum impediatur negotium, à quo tot animarum salus dependet.

Denique in virtute Spiritus Sancti, Sanctæ Obedientiæ sub formali præcepto, necnon sub poena majoris excommunicationis ipso facto incurrenda, aliisque pœnis Nobis arbitrariis ex nunc strictissimè prohibemus universis, & singulis nostræ Curiaë subjectis quacumque dignitate, gradu, officio, aut qualitate censeantur, ne ulibi supradictas Collegiorum Hibernicorum pro nostris fundaciones, acquisitiones, incrementa, per se, vel per alios directè, vel indirectè clam, vel palam sub quocumque motivo, colore, aut imaginabili prætextu impediunt, retardent, aut disturbent; quin potius enixè hortamur A. RR. PP. tum Hispaniarum, tum cæterarum Provincialium Priores, Provinciales quatenus per se, & suos ubique tam sanctum, & pium opus magno studio, & conatu promoveant, juvent, ac foveant Fratres nostros Hibernos in suis Provinciis, & Congregationibus libenter paterneque complectantur ipsorum solatio, & profectibus sincerè faveant, ipsos benefactoribus commendent, omnique opportuno subsidio, consilio, effectu eis opitulari non dedignentur, & quia charitati nulla præfixa est mensura, aut limes, hortamur eosdem Priores Provinciales in visceribus JESU Christi, quod his Fratibus ad missiones, & martyria pro fide auctoritatis spontè, ac liberaliter ex suismet propriis Con-

ventibus unum, aut plures in suis Provinciis cedant, ac resignent; Tales autem Conventus hoc modo resignatos ex nunc pro tunc iisdem Fratibus, ipsorumque Provinciæ applicamus, & incorporamus Apostolicâ auctoritate speciali, qua in hoc fungimur.

Item supradictam facultatem procurandi, fundandi, acceptandi, & formandi hæc nationalia Collegia, Dòmos, atque Conventus pariter extendimus ad acquirenda Monialium Cœnobia, seu Monasteria pro Hibernis, Anglis, & Scotis Deo ubivis locorum consecrandis, siquidem hæc in propria sua Patria hanc relinquendi sæculi commoditatem sperare nullibi possunt.

Quod si etiam in aliarum missionum præsertim orientalium solatium tibi, vel tuis successoribus in officio placuerit, ac sine incommodo propriorum nationalium piè fieri videbitur concedimus pariter, quod in prædictis nostris Dòmibus, Collegiis, & Conventibus recipiantur etiam nostri Fratres Armeni, sive ad hospitandum, sive etiam ad commorandum pro studio, & instructione, idemque concessum esto quoad alios Religiosos nostros de terris Infidelium adventantes.

Porro ut omnibus his, quæ sperantur novellis Cœnobiorum plantationibus de optima, & stabili forma regiminis prospiciatur ex nunc harum serie te, tuosque in hoc tuo Procuratoris generalis officio Successores omnibus hujusmodi Cœnobiis, Collegiis, ac Dòmibus præfimus cum titulo Vicarii Provincialis Hiberniæ pro tempore cumque omni in spiritualibus, ac temporalibus Jurisdictione, ac Potestate, quam Priores Provinciales in suis Provinciis habere debent, ac solent etiam cum facultate subdelegandi, itaut quando contigerit te, tuosvè Successores longius distare, aut alio impedimento detineri ab adeundo loco, ubi Collegium, seu Cœnobium, aut Fratrum, seu Monialium, plantandum, acceptandum, formandum, aut visitandum fuerit possis, ique successivè possint eo destinare Commissarium, ac Visitatorem quoties, & quando opus fuerit cum plena, aut limitatâ auctoritate prout videbitur, talemque seu Commissarium, seu Visitatorem à te, seu tuis Successoribus missum possis, (illique possint) revocare, aliumque subrogare ad effectum ea omnia, & singula agendi, disponendi, atque præstandi quacumque ipsemet ageres, si personaliter eò accessisses. Item quantum in Nobis est tibi, tuisque Successoribus plenariam concedimus facultatem destinandi Prædicatores, & Missionarios ad terras Infidelium, & Hæreticorum pro conversione, & lucro animarum, seu pereuntium, seu periclitantium. Insuper tibi, & Successoribus tuis potestatem damus imponendi præcepta formalia, fulminandi censuras, condemnandi ad pœnam carceris, & exercendi omnes illos actus jurisdictionis, quos Provinciales ex ordinariâ suâ auctoritate exercere possunt in personis sibi subjectas. Præterea, si contingat supradicta Collegia, Cœnobia, Monasteria, vel aliquod eorum ab ipso Provinciali Hiberniæ personaliter visitari ipso præsentè quiescit ibidem tua, tuorumque Successorum auctoritas, verum illo indè digresso eadem auctoritas ipso facto redibit ad usum, ut antea, sic quod ea non censebitur expirasse per Adventum Provincialis, neque illam tunc, aut alias tibi possit auferre Provincialis Hiberniæ in toto, vel in parte, nisi de expresso consensu Magistri Ordinis, te verò per mortem sublato ad Provinciale Hiberniæ pertineat subrogare alium Procuratorem Provinciæ cum iisdem facultatibus, ut supra, & cum præfixione termini quoad durationem officii, quem tamen semel, ac pluries poterit prorogare, prout postularit necessitas. Ulterius ex Apostolica auctoritate Nobis specialiter indulta concedimus tibi, & tuis Successoribus plenariam facultatem, quæ in præmemoratis novis Conventibus, Col-

legiis, ac Monasteriis instituas, & præficias Priores, Rectores, Priorissas, donec ad eum perveniant numerum personarum, qui ad electionem Canonican sufficiat, eadem facultate possis electiones approbare, & confirmare, ipsis verò institutis, aut electis terminum officii sui quatenus expedire judicaveris semel, & pluries prorogare, vel ut reeligantur habitare. Similiter possis ubique in domibus tibi subjectis instituere Subprios, Vicarios, Præsides, Magistros Novitiorum, Lectores, Officiales, ac studiorum moderatores eadem proportionabiliter, ac respectivè circa Monasteria Monialium tibi concessa sunt, & quidquid facultatis, aut jurisdictionis tibi in his nostris literis patentibus conceditur, id totum pariter tuis in eodem officio futuris Successoribus concessum intelligatur.

Et ut omnia obstacula quantum fieri potest removeantur, denuò sub formali præcepto, & anathemate, quo supra, necnon sub pœna privationis utriusque vocis, & graduum perpetuaque inhabilitate ad ea recuperanda interdiximus universis, & singulis, tam Superioribus, quam subditis in quacumque Ordinis Provincia, aut Congregatione degentibus, ne huic per Nos tibi, & Successoribus tuis collatæ Jurisdictionis titulo, & facultati quisquam sese opponat, eamve judicialiter, vel extrajudicialiter impugnet, aut impediat, ipsis verò fratribus, & sororibus prædicta nova Collegia, Conventus, atque Monasteria respectivè inhabitaturis, aut in iis quoquo modo, vel occasione, commoraturis præcipimus sub eodem formali præcepto iisdemque pœnis, quod tibi, & tuis Successoribus, tamquam legitimis suis Prælati, ac veris Superioribus exactam præsentent obedientiam, reverentiam, & honorem. In nomine Patris, & Filii, & Spiritus Sancti, quibuscumque in contrarium non obstant. In fidem his officii nostri sigillo munitis propria manu subscripsimus. Romæ 6. Julii 1667.

Cum autem sicut eadem expositio subjungebat prædictis Magister Generalis literas hujusmodi quo firmiter subsistant, ac serventur exactius Apostolicæ nostræ confirmationis præsidio communitari plurimum desideret. Nos ipsum Magistrum Generalem specialis favore gratiæ prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium tantum consequendum harum serie absolventes, & absolutum fore censentes. Supplicationibus ejus nomine Nobis super hoc humiliter porrectis inclinati. De Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio attentis narratis, visisque, & diligenter per eosdem Cardinales consideratis literis patentibus præinserti tenoris eadem literas auctoritate Apostolica tenore præsentium benignè confirmamus, suumque effectum sortiri mandamus, salva tamen semper in præmissis auctoritate Congregationis prædictorum Cardinalium.

Decernentes ipsas præsentis, & præinsertas literas, firmas, validas, & efficaces existere, & fore, ac illis, ad quos spectat, & spectabit in futurum in omnibus, & per omnia plenissimè suffragari, & ab illis respectivè inviolabiliter observari; sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & ordinationibus Apostolicis, ac quatenus opus sit dicti Ordinis, ejusque Provinciarum, & Conventuum, & locorum Regularium quorumcumque,

etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & insertis habentes, illis aliàs in suo robore permanentibus, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 6. Volumus autem, ut earundem præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides adhibeatur ubique, quæ præsentibus ipsis adhiberetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die 16. Septembris 1667. Pontificatus Nostri anno primo.

§. 2. Nunc autem eosdem fratres amplioris favore gratiæ prosequi volentes, eorumque ac dilecti pariter filii Joannis Cnojur à Sancto Dominico Procuratoris dictæ Provinciæ Hiberniæ singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodata existunt ad effectum præsentium tantum consequen. harum serie absolventes, & absolutas fore censentes, Supplicationibus ejusdem Joannis nomine Nobis super hoc humiliter porrectis inclinati. Venerabili fratri Archiepiscopo Toletan. ac dilectis etiam filiis Inquisitoribus hæreticæ pravitatis in quacumque Provincia, seu loco auctoritate Apostolica deputatis per præsentis committimus, & mandamus, quatenus ipsi, vel duo, aut unus eorum per se, vel alium, seu alios, ubi & quando opus fuerit, & quoties pro parte fratrum prædictorum, seu alicujus eorum fuerint requisiti, seu aliquis eorum requisitus fuerit ipsas præsentis, & præinsertas literas, ac in eis contenta quæcumque solemniter publicantes illisque in præmissis efficacis defensionis præsidio assistentes faciant auctoritate nostra alios, & eorum quemlibet earundem literarum, & in eis contentorum hujusmodi commodo, & effectu pacificè frui, & gaudere, non permittent. eos desuper à quoquam quavis auctoritate quomodolibet indebitè molestari, perturbari, vel inquietari, Contradictores quoslibet, & rebelles per sententias, censuras, & pœnas Ecclesiasticas, aliaque opportuna juris, & facti remedia appellatione postposita compescendo legitimisque super his habent. servatis processibus, censuris, & pœnis ipsas etiam iteratis vicibus aggravari, invocato etiam ad hoc si opus fuerit auxilio brachii secularis.

§. 3. Non obstant. fel. rec. Bonifacii Papæ VIII. prædecessoris nostri de una, & Concilii generalis de duabus dietis, dummodo ultra tres dietas aliquis auctoritate præsentium in judicium non trahatur aliisque Constitutionibus, & ordinationibus Apostolicis, necnon omnibus, & singulis illis, quæ in literis præinsertis concessimus, non obstante, cæterisque contrariis quibuscumque.

§. 4. Cæterum volumus pariter, ut earundem præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem fides adhibeatur ubique, quæ præsentibus ipsis adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 19. Octobris 1667. Pontificatus Nostri Anno primo.

Extensio superioris Indulti.

Transumptorum fides.

Dat. P. A. 1. die 19. Oct.